

## O R A T I O

C O R A M

SOCIETATE PHYSICA,

DIE QUO PRIMUM

AD ÆDES NOVAS DEDICANDAS CONVENIT,

QUAM HABUIT

THOMAS ADDIS EMMET, M.D.

E J U S,

NEC NON

Societatum Reg. Med. Nat. Hist. et Speculativæ,

PRÆSES ANNUUS.

---

 E D I N B U R G I :

Excudebant MACFARQUHAR et ELLIOT.

Prostant venales ibidem apud C. ELLIOT;

LONDINI apud G. ROBINSON,

et DUBLINI apud G. GILBERT.

---

 M, DCC, LXXXIV.

Digitized by the Internet Archive  
in 2016

<https://archive.org/details/b24928951>

# L E C T O R I

S.

ORATIONEM sequentem, Physicæ Societatis jussu habitam, rogatus Auctor, et fere invitus, publici nunc juris facit. Quanquam antea decreverat, se *tridui opus* in lucem nunquam exire permiffurum, merito tamen ingratus damnaretur, qui Societati carissimæ tale quidvis denegaret.

LITERAS annexas ex decreto ejus conscriptas, et plurima quæ ei debet, tibi, lector benevole, sufficere sperat, quare illum arrogantia aut vanæ cupidinis gloriæ absolveres.



VIRO JURE DILECTISSIMO, CELEBERRIMO,  
PRÆSIDI SUO ORNATISSIMO,  
THOMÆ ADDIS EMMET, M.D.

MONENTE PHYSICA SOCIETATE,

S. P. D.

JOANNES EWART,  
BARNABAS GEOHEGAN,  
JACOBUS FORSTER.

QUUM Aula Physica nuper exstructa  
fuerit, et sociis recipiendis accommodata,  
aliquem qui dedicaret, optantibus et quæ-  
rentibus, tu, vir ornatè, nobis facile occur-  
risti. Munus benignus suscepisti, et splen-  
dide eo functus es. Orationem quam ele-  
gantissimam, copiosissimamque habuisti,  
tibi laudi, nobis semper honori, futuram,  
quam ut in lucem edas, modo tibi haud  
ingratum sit, ut aliis posthac, ut nobis an-  
tea,

tea, mirandi occasio detur, vehementer cupimus, et enixe oramus; confisi nos consilio gavifuros, te obsequio honorandum.

Hoc erga te, ob benignitatem insignem, observantiæ testimonium, gratiasque quam verissimas, accipias, diuque floreas patriæ scientiarumque decus, utque Physica Societas semper tui, si tu ejusdem memor perstes, et valeas.

EDINBURGI,

Quinto nonarum Decembris.

---

FORSAN haud alienum erit memorare,  
Beneficia accipi ALEXANDRO MONRO,  
M. D. Rei Anatomicæ Professore; ANDREA  
DUNCAN, M. D. Cambriæ Principis apud  
Scotos Medico; THOMA HAY, Regii Chirur-  
gorum Collegii Præsides; JOANNE EWART,  
THOMAS KEETE, JOANNE BELL, et THOMA  
ADDIS EMMET, M. D. Societatis Physicæ  
Præsides Annuis; ANDREA FYFE, ejus-  
dem Quæstore; atque CAROLO ELLIOT,  
Bibliopolâ Edinburgi.





---

# O R A T I O

H A B I T A C O R A M

SOCIETATE PHYSICA.

**B**EATUS! in æternum beatus sit dies  
hicce festus! In tabulis nostris semper  
cretâ notetur. Die enim hoc, ædes hæ, tum  
scientiæ, tum medicinæ, dicantur. Posthâc  
procul, O procul este profani! Nemo ne-  
fastus earum sancta violet. Neque Suspi-  
cio, aut oculos viridis Invidia, sicut rubigo  
pulcherrimæ spem segetis, eheu misere de-  
B vorans,

vorans, conamina et vota pia, vana atque irrita efficiant. Nec Discordia tetra, velut fulmen horrendum, quod turren altis facile scindit, sodalitium nostrum exitiose convellat. Tibi, O Concordia! æque ac tibi, Æsculapi! nosmet hodie vovemus.

FAS sit mihi, Socii clarissimi! vobis gratulari propter fausta et felicia quæ nobis nunc in aspectum panduntur, et tantum non in manu sita sunt. Quoniam vero, velut hominibus summo monte despicientibus, ante oculos subjicitur non solum illa quam nuper lustrastis via, sed ea quoque quam nunc estis ingressuri; favete linguis, dum semitam utrinque patentem monstro.

VOBIS haud ignotum est, Sodalitium hocce ortum duxisse ex nexu felici inter Societates duas, simili famæ ardore accensas; quarum quævis per se fatis esset spectata, cum propter suam vetustatem, tum  
prop-

propter fociorum nomina. Optime tamen sibi invicem prospicientes, in unum coiverunt. Sic ex conjunctione fluminum geminorum, amnis oritur magnus, qui pleno currit rivo, arva medica perpetuâ ubertate fœcundans.

CONJUNCTIS autem, omnia non votis cessere. Haud absimiles Scythis antiquis, domum in annum tantum occupâstis; et omnibus quæ sedem instabilem comitantur incommodis, perpetuo fuistis tentati. Hæc nonnulli ex dilectis fociis, in animo attenti volventes, ædes hæc condendi inceptum arduum aggressi sunt. Satis fuit illis compertum æraria nostra parum ad tale ausum valuisse. Conjicientes tamen ex subsidiis magnificis, quæ Societas Medica olim accepit, nulli dubitarunt, quin amici nostri nobis quoque subvenirent. Nec spes falsa. Munifici quidam opem contulere; quibus devincti sumus ultra facultatem compen-

B 2                      fandi,

fandi, immo, fere ultra potestatem gratias exfolvendi. Beneficia parva verbis gratis aliquatenus redduntur: magna autem votis animi occultis, et silentio tantummodo retribuuntur.

SUBSIDIA tamen nondum adeo abundant, quin nonnulla subfit causa timoris. *Ædium* exstructio, supellex, aliaque hujusmodi, minis circiter \* ducentis constant; dum nummus in *ærario*, et amicorum auxilia, vix ad minas † sexaginta et septem redeunt. Ex his aliisque, qualia sint, olim accipiendis, videndum est ut aliquantulum bibliothecæ, singulis annis adjiciatur. Nam in societate, omnia quæcunque aggredimur complectente, libri probe selecti maxime sunt censendi. Cum in concionibus nostris de re aliquâ disceptemus, plerumque notiones crudas juvenum imperitorum

\* £. 600 Nummi Anglicani.

† Circiter £. 200 ejusdem.

rum effundimus: In bibliothecâ autem feponuntur bene cocti sermones fenum doctorum, quorum fententiæ multos premuntur in annos; quorum doctrinæ ordine fimplici ornatae, velut aurum igne vexatum, flammâ puriores evadunt. Quicquid igitur eveniat, ne hoc focietatis decus et columen ullo afficiatur incommodo, propiciendum eft.

IN his tamen rerum anguftiis nil defperandum puto; et longe a me abfit, hoc die fâcro, verbo mali ominis, animos dedicere veftros. Omnia de fortunâ noftrâ in fpe optimâ duco. Scio enim vos valere, et confido focietatis veftræ incolumitatem, vobis femper cordi futuram. Quamvis finguli affinitate diversâ obftricti, muneribus tamen propriis fungentes, eam promoveri queatis.

SOCIOS ORDINARIOS primum appello.

B 3

Vobis

Vobis plurima debemus. Præsentes con-  
 ciones nostras efficitis et ornatis; vestræ-  
 que disceptationes nostram famam longe  
 lateque diffuderunt. Abunde equidem sub-  
 sidiorum ad ædes extruendas contulistis.  
 Defectus vero in hoc vobis facilis foret  
 condonatu: Propriis enim divitiis parum  
 nitentes, omnia paternæ benevolentiae ac-  
 cepta referimus. VESTRUM vero est ali-  
 quatenus diversum. Societatem hancce in  
 oculis omnium constituistis; eoque clari-  
 tatis nunc evehitur, ut si non gloriâ cres-  
 cat, contempta et vili æstimata in ruinam  
 cito præceps eat. Hoc ne accidat, vestrum  
 est videre.

NON mihi in animo est, qualia vobis  
 debent esse studia, monstrare. Ecce \* Viri  
 illustres! qui in his discendis multos con-  
 sumpsere annos; quique singuli et palam  
 et privatim hæc vos eruditissimi docuere.  
 Quæ dicta volo, hæc sunt. Colloquia pub-  
 lica

lica fummis viribus sustinete: Ne crudas  
 evomatis opiniones, theoriis falsis minimi  
 fudoris exortas.—Sermonem Latinum, a-  
 nimo quam maxime attento, colite; lin-  
 guam, quam Philosophi, Poetæ, Eruditi  
 omnigeni semper dilexerunt: Et meher-  
 cule pudet me sæpe id opprobrii audivisse,  
 quod tamen averti nequit; Gallos, nempe,  
 Germanos, omnes denique gentes majori  
 ejus studio quam nostrates ardere. Prae-  
 cipue autem cavete, ne quenquam propter  
 sententias, a vestris diversas, acerbi acci-  
 piatis. Medicina dubiis haud vacat. Con-  
 donate igitur infelici qui errat, adhuc ne-  
 scius recti. Tempora vestra lauro cingere  
 fas fit, dummodo laurus, sicut ramus \*  
 Polydoro avulsus, sanguinem non manat.  
 Nollem equidem ardorem illum compef-  
 cere, qui colloquium liberum perpetuo co-  
 mitatur; qui haud abludit a motu, quem  
 Angelus, in fontem Bethsaidam descendens,

I

B 4

con-

\* Virgil, Æneid. III.



concivit: Illi enim qui eo utuntur, melius vigent valentque.

PRIVATA dum peragitis, leges intemperate servate. Homo qui eas evertere studet, facer esto. Sampsonis forsan robore gaudens, simili caligine quoque laborat; atque ædis columnasprehendens, totam funditus dejiceret.

PRIMA autem fit cura, ne cujusvis socialitii famam moleste feratis. Contendite pro gloriâ cum maxime colendis, ut Jacob olim pro beatitudine cum Dei ministro luctavit. Certate autem, (haud secus ac duo consules Romæ), non qui plurimis *ornemini*, sed qui plurimos *mereatis* honores. Mehercule societates multæ, eadem molientes, neutiquam sibi invicem debent esse infensæ. Velut specula diverse collocata, lucem undique acceptam retribuant; eoque splendorem mutuo adaugent. Ea-  
rum



rum officia non tantum non repugnant, sed (si ex honoribus, quibus a nonnullis immerito dignatus sum, colligere liceat) facilia sunt peractu; et propriâ experientiâ compertum habeo, pensis apud unam absolutis, alterius mandata jucundiora reddi.

SOCII SENIORES maxime honorandi! Vos varia negotia procul a concionibus nostris amoverunt. Annis equidem impares, in studiaque dissimilia incumbentes, e vobis longe seponimur: Vestras autem sententias, uti majorum facinora narramus et miramur. Quamvis non consilio prudenti juvatis, nostra ne aspernemini. Angustiis enim in præsens urgemur, quas vestrum est depellere. Nolite autem credere nobis subsidia nunc *mendicari*. Nequaquam, mehercule! Arva eadē omnes colimus: Quisque suis fungimur officiis; propriaque singulos æque obstringunt.

Vos PROFESSORES eximii! e quorum  
 fontibus, scientiam nostram, quicquid sit,  
 hausimus; quorum patrocinium honori  
 ducimus; hanc, omnesque similes societates  
 in tutelam recipite: Eas ducite inter præsi-  
 dia hujus Academiæ, cujus commodi nun-  
 quam immemores estis. En Seminaria, ubi  
 ingenium philosophicum optime effingi  
 queat! Quoniam, viri illustrissimi, vestræ  
 doctrinæ longe sunt a priorum theoriis  
 diversæ; theorias, quas merito obruistis;  
 vobismet conscii estis, quantum ingenium  
 liberum, animadversio æqua, communitas  
 idearum, omnia denique in hac Societate  
 invenienda, ad scientiam contulerint. His  
 enim modis, ni fallor, illas efformastis doc-  
 trinas, quæ per totum clarescunt orbem;  
 quæque nomina nunquam moritura illu-  
 strant. Nostra igitur ne despiciatis cona-  
 mina. Velut juvenis Æneæ socius, pa-  
 trum medicorum vestigia premimus, quam-  
 vis haud passibus æquis. Vestra quidem  
 fastigia

fastigia vix assequi speramus: Ambitione tamen pravâ procul relegatâ, scientiam et mentes nostras ad vestra exemplaria effingere semper ante oculos habemus. Si vero duces adeo venerandos nonnunquam modeste deferamus; si, juvenili ardore impulsî, novas tentemus vias; illa, quam ipsi olim petistis, nobis nunc detur venia: Vosmet enim omnes non eadem sentitis: Et, si opiniones cujusque colligentes, atque diligenter revolventes, paulum ab iis diversi abeamus, non est cur improbêtis; nec veritatis amorem, qui investigationem suavit, audaciæ infimuletis.

IN hujusmodi institutionibus experti discimus quod cito in usum depromamus; sententias nostras semper jactatas, nonnunquam impugnatas, et haud raro subversas audire: Ita adolescens, cujus ingenium et mores civibus mox saluti et decori futura, in hunc adscriptus numerum, doctrinas

trinas et opiniones, quas antea religiose coluit, jam investigat; propriis nunc nititur viribus; et cuicunque parti semet adjungere dignatur, auxilio nobilitata evadit.

CONSTAT igitur, seu præsentiâ tue-  
mini, necessitatibus subvenitis, five pa-  
trocinio ornatis, omnes debita tantum  
tribuentes, hunc ordinem adjuturos esse:  
Cumque hos coram aspiciam, cœtum illu-  
strissimum, spectatissimum, faustissimum,  
omnium vero, quos compellare mihi ho-  
nor unquam concessus fuit, maxime co-  
lendum, non possum quin optime sperem:  
Huc enim hodie venitis, nobis omnia bona  
precantes; oro igitur ne preces tam se-  
cundas, extra hæc ædes ventis ludibria  
detis.

NUNC autem, Socii dilectissimi! inter  
omnium plausus et laudes, mea exaudian-  
tur

tur vota. Quanquam aliis societatibus beneficiis maximis devinctus, nequeo op-  
tare vos supra totum nemus eminere; cæ-  
teramque sylvam, vestrâ mole oppressam,  
languescere; hoc saltem voveam: Sicut  
arbos illa notata, de quâ Mandane somnia-  
vit, (cum Dii Cyri ortum prænunciave-  
rint) ramos circum circa diffundatis:  
Gentes remotæ vestris lætentur umbris:  
Socii diligantur: Societas ipsa colatur,  
ubique medicina floreat, vel æstimetur  
philosophia.

ANTEQUAM finem impono, liceat mihi  
paucis obiter attingere hominem, parum  
equidem notatu dignum, sed cujus ani-  
mus, forsan intempestive gratus, illum  
impulit, qui se, nunc temporis, vobis de-  
vinctissimum agnoscat, propter Honorem  
Summum ad quem eum evexistis: Hono-  
rem, quem meruisse vix mihi conscius  
sum, nisi qui merear conando. Ingenium  
ejus

ejus, quem elegistis, verbis attenuare, quid hoc, nisi judicia vestra vili pendere? laudes vero ejus vanâ jactantiâ celebrare, longe turpius atque indignius foret: Qualis igitur qualis fit, silentio prætereundum; quantum vero vobis debeat, gratus semper prædicabit.